

Վ. ՏԵՐՈՅԱՆԻ ՁԵԿՈՒՅՑՆԵՐԸ  
ԱՐԵՎՍՏԱՅԱՅ ԳՈՐԾԱԴԻՐ ՄԱՐՄՆԻՆ

Ժամանակի գիտական-հասարակական անվանի գործիչ և մտավորական Վարազդատ Տերոյանը ներկայիս հասարակայնությանը գրեթե անհայտ է մնացել. Ասպարեզ մտնելով XX դ. սկզբին, նա իր ոչ երկարատև կյանքի ընթացքում զբաղվել է տարաբնույթ բազմաթիվ հարցերով:

Վարազդատ Մկրտչի Տերոյանը (Դերոյան, ծն. Վան, 1887 թ., փետրվար) հայ ազգային-ազատագրական շարժման գործիչներ, ՀՀԴ անգամներ Վազգեն (Տիգրան) և Ժենյա (Ջարուհի) Տերոյանների կրտսեր եղբայրն էր: Նախնական կրթությունը ստացել է ծննդավայրում: Այնուհետև, 1909–1914 թթ., ուսումը շարունակել է Սորբոնի, գերմանական և ավստրիական համալսարանների փիլիսոփայական ֆակուլտետներում: Կատարյալ տիրապետելով ֆրանսերեն ու գերմաներեն լեզուներին, նա բնագրերից թարգմանել է փիլիսոփայության դասականների՝ Հիպոլիտ Տենի, Իմանուել Կանտի, Բերգսոնի, Հեգելի, Սպինոզայի և այլոց հայտնի գործերը: Գրել է գիտական ուսումնասիրություններ՝ «Բերգսոնի էվոլյուցիոն թեորիայի մասին», «Կանտի պրագմատիզմը», «Պանգերմանիզմը և սլատմափիլիսոփայությունը» և այլն: Գրել է նաև գրականագիտական հոդվածներ, ինչպես և թարգմանել է Անատոլ Ֆրանսի, Հանրի Բարբյուսի և այլոց գործերից:

Վ. Տերոյանի գիտակազմակերպչական գործունեության մեջ հատուկ տեղ է զբաղում հայ փիլիսոփայական ընկերությունը ստեղծելու ծրագիրը: Կազմել է այդ ընկերության կանոնադրության նախագիծը: Պատրաստել է հայերեն-գերմաներեն-ֆրանսերեն լեզուներով փիլիսոփայական բառարան: Աշխատել է Գրապալատում, որպես միջազգային գրափոխանակման բաժնի վարիչ, 1934 թ.: Լուսաշխիհ կից գիտաշխատողների սեկցիայում՝ որպես գիտաշխատող:

Հարազատ ժողովրդի և հայրենիքի նկատմամբ ունեցած ջերմ սերն ու նվիրածությունը չէին կարող Վ. Տերոյանին թողնել լուկ սառնասիրտ դիտորդի դերում: Ինչպես հայ մտավորականության շատ ներկայացուցիչներ, նա ևս իր ուժերը ներածին չափով աշխատում է օգնել ըզկտված ու ծանր վիճակում գտնվող Հայրենիքին:

1915 թ. ապրիլ-մայիս ամիսներին մասնակցել է Այգեստանի ինքնապաշտպանական մարտերին: 1919 թ. հունվարի 9-ին երևանում կայացած հայ գաղթականների ներկայացուցիչների ժողովի կողմից ընտրվում է Արևմտահայերի 2-րդ համադումարը նախապատրաստող կոմիտեի կազմում: Հանդես է գալիս զեկուցումով: Ապա ընտրվում է գործադիր կոմիտեի նախագահ: Արևմտահայ գործադիր կոմիտեի որոշմամբ նույն թվականի ապրիլի 24-ին Վ. Տերոյանը մեկնում է էջմիածին՝ հարթելու ՀՀ կառավարության և գեներալ Անդրանիկի միջև ծագած տարաձայնությունները:

1919 թ. Վ. Տերոյանը ծառայության է անցել Մերձավոր Արևելքի Օգնության Ամերիկյան կոմիտեում (Ամերկոմ), որտեղ տնօրինել է ուսումնական հաստատությունները, որբանոցներն ու հիվանդանոցները: Նրա անմիջական ջանքերով

որբերի համար կազմակերպվում է երկու դպրոց. Երևանում՝ 3500 և Ալեքսանդրապոլում՝ 4200 աշակերտներով: 1922 թ. Վ. Տերոյանը նշանակվում է Ամերկոմի ուսումնական հաստատությունների վերատեսուչ:

Ապրելով մեծ ողբերգություն ապրած հայ ժողովրդի կյանքում կատարվող փոփոխությունների դարաշրջանում, Վ. Տերոյանը գրում է մի շարք հոգված-առաջարկություններ՝ «Մրազի վերաշինություն», «Գաղթական հարցեր» և այլ գործեր: Նրա ինչպես գիտական, այնպես էլ հասարակական հնչողություն ունեցող բազմաթիվ աշխատություններ մնացել են անիրագործելի՝ խորհրդային իշխանության տարիներին երեք (1922, 1924, 1931) և 1935 թ. չորրորդ անգամ ձերբակալվելու և Միբիր աքսորվելու պատճառով, որտեղ և մահացել է 1938 թ.:

Ազգություն շահերն ամեն ինչից վեր դասող, պետականորեն մտածող այս գործիչը քաղաքացի էր բառիս բուն իմաստով և մեծ հայրենասեր:

Ստորև ներկայացնում ենք 1916 թ. Պետրոգրադում կայացած համագումարի մասին Վ. Տերոյանի գեկույցումը, 1919 թ. Երևանում տեղի ունեցած Արևմտահայ 2-րդ համագումարում նրա ելույթը և 1919 թ. գեներալ Անդրանիկի և կառավարության հետ վարած բանակցությունների մասին Արևմտահայ գործադիր մարմնին ներկայացրած հաշվետվությունը:

ՌՈՒԲԵՆ ՍԱՀԱԿՅԱՆ

— 1 —

ԲԱՔՎԻ ԳԱՂԹ[ԱԿԱՆԱԿԱՆ] ՊԱՏՎԱՐԺԱՆ ԿՈՄԻՏԵԻՆ

Ապրիլի 19-ի երեկոյան ժամը 5-ին, Հայկավանի գաղթականներ ժողով մը գումարելով, իմիջիայլոց և զբաղվեցին հեռացող ներկայացուցիչի փոխարեն նորը ընտրելու հարցով: Ընտրվեցին պ.պ. Վ. Տերոյան ներկայացուցիչ և Գ. Քաջբերունի անձնավորությանորդ: Պատիվ ունենք ներկա գրություն մը այս մասին հայտնելու պատ[վարժան] կոմիտեիդ:

20 ապրիլի 1916  
Հայկավան

Ժողովի  
Քարտուղար  
Գր. Քաջբերունի  
Նախագահ  
Վ. Տերոյան

Հայաստանի Ազգային արխիվ Պ (այսուհետև՝ ՀՀԱՊ), ֆ. 27, ց. 1, գ. 286, թ. 16: Ինքնագիր:

\* Վերջինիս բնագիրը հայերեն է և լույս է տեսնում առաջին անգամ:

- 2 -

ԶԵԿՈՒՑՈՒՄՆ

ՀԱՅ ՓԱԽՍԱՏԱԿԱՆՆԵՐԻՆ ՆՊԱՍՏՈՂ ՕՐԵՆՔՈՎ ՀԱՍՏԱՏՎԱԾ ՀԱՅԿ[ԱԿԱՆ]  
ԸՆԿԵՐՈՒԹՅՈՒՆՆԵՐԻ I ՀԱՄԱԳՈՒՄԱՐԻ ՊԵՏՐՈԳՐԱԴՈՒՄ

1916 մայիս 10-13

Նախքան բուն զեկուցման անցնելը, պարտք եմ համարում հայտնել, որ համագումարի արձանագրությունները դեռ չեն տպագրված. այդ պատճառով իմ զեկուցումը լինելու է փաստականից ավելի տպավորությունների և տրամադրությունների զեկուցում, և նույնիսկ աշխատանք մեր կոմիտեին էլ գործակից և աջակից դարձնելու համագումարի տրամադրությանց, ցանկությունների և որոշումների իրագործման:

Ինչպես հայտնի էր թերթերից և մեր մասնավոր տեղեկություններից, գաղթականական գործերով զբաղվող հայկ[ական] հաստատությունների համագումարը տեղի ունեցավ Պետրոգրադում, 142 պատգամավորների մասնակցությամբ: Հարգելի կոմիտեիդ երեք ներկայացուցիչները չկարողացան դժբախտաբար — Ձեզ հայտնի պատճառներով — ներկա գանվել նախապատրաստական ժողովի աշխատանքներին, ուր վճռվելու էին իրավասությունաց, նախագահական կազմի, աշխատանքի բաժանման, և այլն նման հարցերը: Համագումարի ընդհանուր տրամադրությունը և մտադրությունը ավելորդ դարձրին ոչ միայն ինձ, այլև Կովկասից հետզհետե հասնող նոր պատգամավորների համար էլ, վերոհիշյալ հարցերի վերաբարձարձման կարիքը: Նախագահ էր ընտրվել պ. Ս. Գ. Մամիկոնյան<sup>1</sup>, Մոսկվայի սլատգամավորը. օգնականներ էին պ. պ. Գ. Բ. Չալխուշյան<sup>2</sup>, Ա. Բ. Ասրիբեկյան<sup>3</sup> և պրոֆ. Վարդանյան<sup>4</sup>. Քարտուղար՝ Հ. Թագևոսյան<sup>5</sup> մի քանի օգնականներով:

Հանդիսավոր բացումը կատարվեց մայիսի 10-ին ժամը 2-ին կեսօրից հետո, «Երկրաչափների ընկերության» դահլիճում: Գուցե բարձրաստիճան հյուրերի մասնակցության ենթադրությունն էր պատճառը, որ Հայկ[ական] համագումարը ստիպված էր օտար լեզվով կատարել իր հանդիսավոր բացումն, և իր ցանկությունների ու հույսերի արտահայտությունը: Ձեզ բոլորիդ հայտնի են արդեն, թերթերից և մասնավոր տեղեկություններից, թե ինչքան բարձր հայրենասիրությամբ և մեծ գուլթով տոգորված էին արտասանած ճառերը, մեր Հայրենիքի և մեր դժբախտ եղբայրների մասին. ես խնայում եմ Ձեր ժամանակը: Մասնավոր պարտականություն դրվեց պետական Դոմայի մեր պատգամավորի վրա<sup>6</sup>, այդ հանդիսավոր ժողովում արտահայտելու մեր շնորհակալությունները ռուսական պետության և հաստատություններին — գլխավորապես «Տատիանայի կոմիտեին»<sup>7</sup> — մեր դժբախտ հայրենակիցներին ընծայած հետաքրքրության և խնամքի համար:

Նույն օրը երեկոյան իսկ սկսվեցին սեկցիաների նիստերը, որոնք շարունակվեցին անընդհատ չորս օր (որովհետև կարիք եղավ մեկ օր երկարաձգելու իրավունք ստանալ), օրական մի քանի անգամ յուրաքանչյուրը:

իսկ ընդհանուր] ժողովները օրական մի քանի անգամ կանոնավոր կերպով տարվեցին. վերջին օրը երկու ընդհանուր] ժողով եղավ: Այս բոլորը սպացույց են աշխատանքի ներուժության գուցե, բայց ոչ ընդարձակութայան և հիմնավորության: Ըստ որում, Կովկասից, կամ գուցե գաղթականական մարմիններից թեև քիչ թվով ներկայացուցիչներ կային, բայց հարցերի ծանրությունը և դեպի գործ տածած հետաքրքրությունը բնականորեն ամբողջ աշխատանքը գրեթե գցել էին նրանց վրա: Մյուս կողմից, այդ նորն հանգամանքի շնորհիվ, դործը տարվեց բավական նեղ սահմաններում և թույլ հիմունքներով, ու գաղթականների ներկա վիճակը, վերաշինությունը, ներգաղթը, ինչպես և գաղթակ[անական] մարմինների հաշվետվությունը, գործունեության վերաբերյալ սկզբունքների մշակումը և պարզաբանումը, նաև բազմաթիվ զեկույցումները համարյա թե ոչ մի արձանք չգտան համագումարի մեջ: Որչափ որ այս և նման բաները մի այդպիսի համադումարի ամենաբնական զբաղմունքները պիտի լինեն, բայց և այնպես նա ամբողջովին լցված էր այն հատուկ գիտակցությամբ, որ ոչ մի համագումար չի կարող լուծել և կարգավորել ոչ միայն այդ և նման բազմաթիվ հարցեր, այլև դարմանել շատ վիրավոր և ախտավոր կողմեր ու գործին տալ բնական ընթացքը, եթե գաղթակ[անական] գործը մնալու է նորեն անկազմակերպ վիճակի մեջ, ինչ որ եղել է մինչև այժմ: Այդ պատճառով համագումարը առաջին վայրկյանից իսկ զգուժ էր, որ մի ծանր քար միայն պետք է շարժի նա տեղիցը, որպեսզի կառքը առաջ դնա. և այդ միակ ծանր քարը, գաղթականական գործի կազմակերպությունն էր:

Նախքան այդ հիմնական աշխատանքին անցնել, ես համառոտ կերպով կներկայացնեմ — դժբախտաբար միայն հիշողության վրա հիմնվելով — մյուս սեկցիաներում կատարված աշխատանքների բովանդակությունը, շուտով կենտրոնացնելու համար Ձեր ուշագրությունը «կազմակերպչական սեկցիայի» աշխատանքների վրա:

Ի միջի այլոց հայտնում եմ, որ գործում էին հինգ սեկցիաներ, ուր կայացած որոշումները շատ քիչ փոփոխություններով անցնում և հաստատում էին ընդհանուր] ժողովների մեջ:

1. Դպրոցական սեկցիա.— Ինչպես այս, նույնպես և բոլոր սեկցիաներում համարյա թե պակասում էին գուցե գաղթակ[անական] դպրոցներին կամ գործին հմուտ և հեղինակավոր ներկայացուցիչներ: Ես ստիպված էի իմ ամբողջ ժամանակը տալ կազմակերպչական սեկցիային: Բայց այն տրամագրելի ժամանակը, որ ինձ մնացել էր, ես գործազրեցի այս սեկցիայում անցկացնել տալու, ըստ իս հիմնական այն տեսակետը, թե գաղթականների դպրոցական գործը ունի այժմ երկու կողմ. Որբանոցները ներկայացնում են դպրոցական տեական միավորներ, իսկ Դպրոցները՝ պատահական և անցողական միություններ: Այդ պատճառով որբանոցները պիտի այժմյանից իսկ դնել հաստատուն և կատարյալ հիմունքների վրա, և ազատել գոնե այդ հաստատությունները անկանոնություններից և պատահական ազդեցություններից. պիտի բարձրացնել գոնե 25 բուրձու յուրաքանչյուր որբի ամսական ծախսը: Գաղթականական գործի կենտրոնացումը պիտի ստեղծեր նաև դպրոցի կենտրոնացում մի մարմնի և մի որոշ կա-

նոնադրուկայան շուրջ, որ պիտի կազմի և մշակի նորընտիր կոմիտեն: Սեկցիան բերեց նաև ուրիշ առաջարկներ, հիմնված պ. պ. Հ. Թադևոսյանի և Տ. Ռասմաջյանի՝ զեկուցումների վրա, դպրոցական առարկաների, դասագրքերի, տեսակների և գաղթական ուսուցչության վերաբերմամբ, որոնց մասին ես ստիպված եմ այստեղ համառոտ լինել:

II. Գյուղատնտեսական ելևմտական սեկցիա.— Եթե Վերաշինության սեկցիա կազմել կարելի չեղավ, այդ նրա համար է, որ Վերաշինությունը իբրև իսողող ժամանակի աշխատանք, ներկա օրերում չի կարող գործադրվել, և այժմ կարելի է միայն եղածը կործանումից և ոչնչացումից պաշտպանելով զբաղվել: Վերաշինությունը ապագայի գործ է. այժմ շատ քիչ բան կա անելու այդ ուղղությամբ: Այս տեսակետը, որչափ որ ընդունված, պետք եղած ճշտապահությունները երևան չեկավ, սակայն սեկցիայի բերած բոլոր առաջարկությունների մեջ: Գյուղատնտեսական և առհասարակ տնտեսական վիճակի բարվոքման համար բերած բազմաթիվ առաջարկություններից կարևոր է այժմեան իսկ հող տանել մի շարք տեղական թանկագին բույսերի և կենդանիների վրա, որպեսզի տեսակը չոչնչանա. խնամքի տակ առնել լքված այգիները, տուները և դյուղատնտեսական հաստատությունները, և այլն: Իսկ երբ պետք լինի Վերաշինության, յուրաքանչյուր գաղթականի հատկացնել առնվազն 135 ր[ուբլի] իր այդ կարիքների համար: Նկատի առնելով 200000 գաղթականների ներկայությունը, այդ գումարը կլինի ուրեմն 27000000 ր., որն եռապատկվում է, եթե Վերաշինությունը տարածվի ոչ միայն գյուղատնտեսական կարիքների, այլև ընդհանուր տնտեսության և ընտանեկան հարկի շինության վրա: Համադրված չգտնվող աշխատանքները խոչընդոտում են ծրագրի ներկայացմանը, քանի որ Վերաշինությունը կարող է լինել պետական ձևով և այս չափով առնվազն:

III. Բժշկական սեկցիա.— Ծանր աշխատանքներ չունեն կատարելու այս սեկցիան. նա բերում էր այն առաջարկությունը, թե քանի որ գաղթականների բժշկական դործը իր վրա է վերցրել «Բաղաքների միությունը», լավ կլինի որ, այն հայկական կազմակերպությունները, որոնք դեռ զբաղվում են բժշկական դործերով, թողնեն այդ էլ նույն միության, և աշխատեն ընդհանրապես հիմնել կազմի (մաշկային — Ռ. Ս.) և հոգեկան հիվանդությունների համար հիվանդանոցներ. մանավանդ առաջինի համար, որ լայն չափերով տարածված է գաղթականների մեջ:

IV. Իրավաբանական սեկցիա.— Ավելի դեղեցիկ ցանկություններով երևան եկավ այս սեկցիան. ցուցակադրելու և փաստադրելու ամբողջ հայողբերությունը թվական ու փաստական տվյալներով, և հայկական ոճրապատումը իբրև պատմական հուշարձան հրապարակի վրա դնելու, հաշվելու հայկական կորուստները թվերով, գնով և արժեքով: Բացի այդ պետք է այժմվանից իսկ ապահովել գաղթականների իրավական և հասարակական դիրքը իրենց դեմքով տեղերում, նույն տեղերի իշխանության և պայմանների հանդեպ. միջնորդել քրդերի զինաթափությունը լիակատար կերպով իրադրոծելու, հող տանել դրավված վայրերի մեջ կարգ և ապահովություն վերահաստատելուն, լքված սեփականությունները պահպանել և նրանց իրավական տերերին վերադարձնել, ու այդպիսով լուծել հին հողա-

յին հարցը և տեղիք չտալ նման նոր հարցերի առաջ գալուն: Կազմակերպել առաջավոր դիրքերում փախստականներ հավաքելու և խնամելու գործը, և վերջապես աղգու դիմումներ կատարել, կամավորներ տվող ազգին ինայելու նաև գերիներ ունենալ նույն պետություն մեջ, ուր հայ գերիներ թիվը մոտ 2000-ի կհասնի:

V. Կազմակերպչական սեկցիա.— Ես կարիք եմ համարում հայտնել, որ Պետրոգրադի համագումարը միայն մի գրական, չոչափելի գործ կատարեց. և յստ իս այնքան մեծ է այդ միակ գործի արժեքն իսկ, որ նրա բոլոր մյուս պակասությունները դրանով ծածկվում են: Դա գաղթականական գործի օրենսդրական ու վարչական կազմակերպությունն է: Ես պատիվ եմ ունեցել, սկզբից մինչև վերջը, մասնակցել նրա աշխատանքներին, պաշտպանելով այն տեսակետները, որոնք Ձեզ հայտնի են, և Ձերն իսկ են: Ամբողջ համագումարն էլ այն կարծիքին էր, որ առանց այդ կազմակերպության, ոչ մի ցանկություն չի կարող իրականանալ, կամ համագումարը ոչինչ պիտի չկարողանա կատարել: Բացի այդ, միաձայնություն կար նաև այն կետում, որ գաղթականական գործը անկարելի է թողնել այս վիճակում, որ անհրաժեշտ է ստեղծել ուժերի կենտրոնացում և աշխատանքի րաժանում, որ պետք է վերջ տալ անհաշիվ և անպատասխանատու գործունեության, և ստեղծել պատասխանատու մարմիններ, որոնց բաղկացուցիչ տարրերը հեռու լինեն նեղ հաշիվներից, անձնական հակումներից և իրենց ժամանակի քմահաճ տրամադրելուց. ըստ որում բարեգործության մեջ էլ կարող են գոյություն ունենալ սիրողներ և թերուսներ: Ահա այն ընդհանուր հիմունքը, որոնց շուրջ, ըստ իս, միանում էին տրամագծորեն հակառակ սկզբունքների վրա կանգնողները:

Գլխավոր տարակարծությունները, վերոհիշյալ սկզբունքների գործադրության մեջ, կգտնվեին ընդհանրապես գաղթավայրերի (Կովկաս) և գաղթների (Ռուսաստան) ներկայացուցիչների միջև: Ո՛ւր պետք է լինի կեդրոնը, գաղթականական գործի այդ ռասիոնալ կազմակերպության: Մոսկվայի և Պետրոգրադի մեր հայրենակիցները գաղթականական գործի ներկա անմխիթար կացության պատճառները գտնում էին ոչ միայն կենտրոնացման չգոյության մեջ, այլև նրանում, որ այդ գործը գտնվում է պաղթավայրերում, Կովկասում: Կովկասյան մթնոլորտը թունավորված է ազդամիջյան, կուսակցական և գավառական խտրությամբ. գործը տուժում է գործի ղեկավարության շատ մոտիկությունից: Ընդհակառակն մայրաքաղաքը կարող է մի իրազեկ համադրություն ներկայացնել ակադեմիական տեսականության և իդեալ գործնականության. որչափ որ հեռու գործից, րայց նույնքան ավելի ուժեղ, որովհետև մոտիկ ուժի և իշխանության աղբյուրներին:

Որ այս հիմունքներն ապացույց են այն համառ հետևողականության, որ նկատվել է սկզբից և եթե գաղթականական գործի մեջ անընդհատ արատակցիա կատարելու, անընդհատ կենդանի իրականությունից կտրվելու և հեռանալու համար — ինձ թվում է, որ դա արևի լույսի պես հայտնի է բոլորիդ, և ես ավելորդ եմ համարում դրանց հերքումները և հակափաստերը բերել այստեղ, որոնք Ձերն իսկ են, և ավելի հիմնավոր, քան ես կկարողանայի երբևիցե տալ: Բայց համագումարի մեծագույն փորձությունը այս

ինգրի մեջն իսկ էր: Պետք է չմոռանալ երկու բանակների ջերմ հայրենասիրությունը և անսահման գուլթի գիտակցությունը, եթե տեսնում ենք համագումարի հաղթական վճռականությունը, այս տարակարծությունց մեջից, ճնշող մեծամասնությունը, գաղթականների ճակատագիրը էքսպերիմենտների չենթարկելու և իրականությունից չհեռանալու համար:

Երկրորդ գլխավոր տարակարծությունը գործի կեդրոնացման վարչական ձևի մեջն էր, և որն առաջուց վճռված լինելով, պակաս չնպաստեց առաջին տարակարծության բառնալուծն: Բազմի պատգամավորները շուտով գիջեցին կեդրոնացման երկվություն սկզբունքից, որի շուրջ ի ներքուստ համաձայնություն էին կայացրել իրենք, տեղ տալու համար մի ավելի ռասիոնալ կազմակերպության, որ գաղթող ուրիշ ազգերի մեջ էլ ընդունելի է: Նախ ասենք, որ ընդհանուր համաձայնություն կար, որ կեդրոնի վարչական կազմը պետք է կազմված լինի ռոնիկավոր ընտրյալներից. և որովհետև դժվարությունները բազմատեսակ են հաճախակի համագումարների համար, ուստի կարելի է կազմել համագումարի տարրական մի պատճե, մոտավորապես վաթսուն հոգուց բաղկացած մի մարմին, որ կոչվելու է «Պատերազմից վնասվածներին օգնող Հայկական կեդրոնական կոմիտե»։ Սրա մեջ մտնում են իրենց գործի մեծությունը, Հայկական Հաստատությունների ներկայացուցիչները: Համագումարը նշանակեց այն մարմինները, որոնք կարող են ընտրող լինել, ընտրությունը թողնելով իրենց: Այստեղ անսխալ լինելու փոքրիկ հավանությունը պիտի ներք էինձ, որ մանրամասն ցուցակը չբերեմ. միայն մի քանի բացառիկ կետեր եմ ուզում երևան հանել: Նախ որ, այդ մարմինը կարող է իր թիվն ավելացնել, եթե անհրաժեշտ գտնի: Երկրորդ, Վեհափառ կաթողիկոսը՝ կարող է «Եղբայրական օգնություն» մարմիններից պատգամավորներ ուղարկել, ինչ թվով, որ Նորին Սրբություն հաճելի կթվի: Երրորդ, այդ 60 հոգու մեջ են տասն գաղթական ներկայացուցիչներ, որոնք կընտրվեն դոյություն ունեցող տաճկահայ նույնատեսակ մարմիններից:

Այս «Կեդրոնական կոմիտեն» իր նիստերը գումարելու է Կովկասում, տարեկան առնվազն երկու անգամ: Որպեսզի համագումարի քարոզած համերաշխությունը կատարյալ լինի, նա ոչինչ չարած իսկապես, որ այս կամ այն կերպ չնպաստեք դրան: Նա նույնիսկ իր ճակատագիրը, կամ իր ցանկությունների իրագործման առաջին քայլն իսկ հանձնեց նրանց ձեռքը, որոնք դուցե ներկա դրություն հեղինակներն են, ընտրելով ինն հոգուց կազմած մի մարմին, որը լինելու է Կեդրոնական կոմիտեի կորիզը, և նրա գոյությունն իրականացնող, նրանք են՝ Պետրոգրադից՝ Ասրիբեկյան Ա. Բ., Մոսկվայից՝ Մամիկոնյան Ս. Գ., Նոր-Նախիջևանից՝ Չալխուչյան Գ. Բ., Բաքվից՝ Տեր-Միքայելյան Հ. Բ.<sup>10</sup>, Թիֆլիսից՝ Առաքելյան Հ.<sup>11</sup>, Հարությունյան Ս.<sup>12</sup> և Սահակյան Ա.<sup>13</sup>, «Եղբայրական օգնությունից»՝ Հ. Գարեգին վարդապետ, և գաղթականներից՝ Թերլեմեզյան Փ.<sup>14</sup>: Թեև առարկվեց, որ անհամերաշխներին տեսականորեն համերաշխեցնելով չէր, որ պիտի առաջ դար ցանկալի համերաշխությունը, և ընդհակառակն վասնզ կար հակառակ հետևանքի հասնելու, ընդհակառակն համերաշխությունն ապահովված էր «Կեդր[ոնական] կոմիտեի» հաջողություն համար: Կեդրոնական կոմիտեն իր միջիցն ընտրելու է յոթն հոգուց

բաղկացած մի մարմին, որը լինելու է ոռոճիկավոր, և իր կողքին կազմած հանձնաժողովներով դառնալու է գաղթականական ամբողջ գործի տերն ու իրական վարիչը: Գոյութիւն ունեցող մարմինները պահելու են իրենց ինքնավար գործունեութիւնը, անշուշտ միշտ համերաշխեցնելով այն, Կեդր[ոնական] կոմիտեի գործունեութեան հետ: Կեդր[ոնական] կոմիտեն ունենալու է իր ներկայացուցիչ մարմինը Պետրոգրադում, նպաստ ստանալու և բաշխելու գործի վերարեքմամբ:

Ահա Համագումարի «միակ» աշխատանքի գլխավոր դժերը, նրա կազմը, գործելակերպը, օրակարգը և նման րաները եղել են գուցե շատ սլակասավոր և քննադատելի. մի սլակասութիւն է գուցե նաև այն, որ նա միայն յրական գործ է կատարել և մնացել է ընդհանրացումների և ցանկութիւնների բնագավառում. նրա ձգտումները համազգային են եղել, բայց ոչ կաղմը, և այլն, նման բազմաթիւ առարկութիւններ:

Բայց նրա գործունեութեան մեջ մեծ դեր է ունեցել իր կազմի որակը և ոչ թե քանակը. Կովկասից եթե գալու լինեին 50-ի տեղ 100 պատգամավոր, ես հավատացած եմ միայն պիտի ավելի հեշտացնեն կատարած աշխատանքը, և միայն այդքան: Հրասլարակի վրա դրված հարցը մի թշվառ ժողովրդի օգնութեան կազմակերպութիւնն էր. այդ տեսակետից համագումարը, եթե ոչ շատերի, բայց գոնե գաղթական պատգամավորների սպասելիքներն իրականացրեց և արդարացրեց: Ահա թե ինչո՞ւ համար է, ես թույլ եմ տալիս ինձ հարցնել պատկառելի կոմիտեիտ, թե ինչքա՞ն կարող է նա նպաստել Համագումարի որոշումների իրականացման:

Վ[արագդատ] Տերոյան

«Բաքվի Հայոց Գաղթականական Կոմիտեին»

7 հունիսի 1916 Բաքու

ՀԱԱ Պ, ֆ. 27, ց. 1, գ. 286, թ. 1-6: Ինքնագիր:

- 3 -

ՔԱՂԱՔԱՑԻՆԵՐ!

Արևմտահայ Բ. Համագումարը բացվում է քաղաքական և տնտեսական, նույնիսկ սոցիալական բոլորովին այլ պայմաններում, քան Ա. Համագումարը: Մոտ հինգ տարի է, ինչ մենք թողել ենք մեր հայրենիքը և ապրում ենք փախստական, գաղթական վիճակով: Մեր Հայրենիքի հետ թողել ենք մենք նաև մեր իբրև կազմակերպված ժողովուրդը և համայնք ապրելու ձևերը և հաստատութիւնները: Ասկայն երբեք մենք չթողինք իբրև կազմակերպված ժողովուրդ և համայնք ապրելու մեր կամքը, պահանջը և հատկութիւնը: Այդ կամքի արտահայտութիւնը պերճախոս կերպով երևան եկավ Ա. Համագումարի ժամանակ, երբ մենք այնքան շատ կազմակերպութիւն ունեինք, որ կարողացանք սոսկ մեր ընկերութիւնների, միութիւնների և հաստատութիւնների ներկայացուցիչները հավաքելով, կազմել ժողովրդական ներկայացուցչութիւնը: Բայց, ինչպես երևում



է, գաղթից շատ տարիներ հետո միայն մենք հնարավորութիւն պիտի ունենանք հասկանալու գաղթի բերած չարիքների մեծութիւնը, խորութիւնը և անսահմանութիւնը, որովհետև և ռուսական հեղափոխութիւնը և դրան հետևող գերմանո-թուրքական ներխուժումը մեր նոր հայրենիքի սահմաններում, փոթորիկի պես ավելցին և գեն շարտեցին, իբրև աշնան տերևներ, մեր բոլոր միութիւնները, ընկերութիւնները և կազմակերպութիւնները: Այսօր, սակայն, երբ փոթորիկն անցել է և շատերը կարծում են, թե ծագել է մի կենարար և լուսավոր արև, այսօր մենք նորից հավաքվում ենք սոցիալական բոլորովին այլ պայմաններում, ուր ոչնչացած կազմակերպութիւնների տեղ մի նոր, ավելի ուժեղ, ավելի հաստատուն և տևական կազմակերպութիւն ստեղծելու մեր կամքն է ամենից առաջ մեր այստեղ հավաքվելու *raison-d'être* կազմում: Այն օրվա կազմակերպութիւնների կազմակերպումը պետք է լիներ Ա. Համագումարը. այսօրվա անկազմակերպութիւն կազմակերպութիւնը պետք է լինի Բ. Համագումարը:

Առաջին անգամ, երբ մենք հավաքվեցինք, տնտեսական շատ ավելի նպաստավոր պայմաններում մեջ էր գտնվում մեր ժողովուրդը, քան այսօր: Ես դժվարանում եմ Արևմտյան Հայաստանի գաղթական ժողովրդի տնտեսական թշվառութիւնները այնքան նսեմացնելու, որ քաջութիւն ունենամ խոսքով արտահայտելու այդ: Երբ դուք դես ու դենից կարգում եք դիակներ կրծողների, ավելցուկներով կերակրվողների, իրենց պատիվը ծախսողների մասին և տեսնում ամեն քայլափոխի գերեզմաններից փախածների կմախքացած և զարհուրելի կերպարանքները, այն ժամանակ թույլ տվեք, որ ես հրաժարվեմ ավելի երկար ու ավելի մանրամասնորեն նկարագրելու հին-պատմական ժողովրդի այդքան մեծ թշվառութիւնը և մարդկութիւնից ունեցած հեռավորութիւնը: Մեր ժողովրդի տնտեսական կործանման այսպիսի սարսափելի պայմանների մեջն է հավաքվում Բ. Համագումարը, մինչդեռ այն ժամանակ մենք կուլտուրական պահանջներով էինք հրապարակ գալիս ընդհանրապես:

Ավելի մեծ տարբերութիւն կա այն օրվա և այսօրվա քաղաքական կացութիւնի մեջ: Այս երկու տարիները (1917–1918 թթ. – Ռ. Ս.), որոնք բաժանում են այն օրերը այս օրերից. քաղաքական պատկերի հորիզոնականը յարձրել են ուղղահայաց և ընդհակառակն: Մի աննկարագրելի համեստութիւն կար այն օրերի մեր քաղաքական գաղափարների մեջ. մեր պարտութիւնը մեր ուղեղում ստեղծել էր ուղիղ և ճշմարիտ մտածողութիւն անկարելիութիւնը և գերմանական հաղթանակները բռնակալորեն մեզ յարձրել էին առանձնատեսակ ռեալիստներ: Մեր քաղաքական իդեալների համար մեր ամբողջ տնտեսական և սոցիալական կացութիւնը կործանելուց հետո մենք քաղաքական իդեալներ ունենալու անընդունակութիւն էինք երևան բերում կատարելապես և միայն մի ցանկութիւն ունեինք մեր բազմաթիվ և բազմատեսակ խնամակալների կողքին ավելացնել մի ուրիշ տեսակի խնամակալութիւն էլ: Այդպես էր, որ մեր քաղաքական իդեալների դժգոլյն և անմիտ արտահայտութիւններից հետո, մենք մեր քաղաքական գործիչներին նույնիսկ բարեգործական և խնամակալութիւն

աշխատանքներին լծեցինք: Այդ էլ մի նոր տեսակի էքսպերիմենտ էր համոզվելու, թե գաղթական վիճակի ստեղծած չարիքը կվերանա գաղթական վիճակի վերացմամբ, ու այդ ուղղութեամբ թափած ջանքերը զուտ կիսամիջոցներ են: Արդարացուցիչ շատ հիմունքներ կան այն օրերի այդպիսի աշխատանքներին և գուցե չպակասեն լրջմիտ խորհողներ այս օրերին էլ, որպեսզի արդարացնեն այդ էքսպերիմենտներից առած մեր դասերը և անհրաժեշտ համարեն, որ մենք ուրիշ բաների մասին էլ մտածենք: Զուր կլինեն ավելի երկար կանգ առնել այս տեսակետի հիմնավորման վրա: Ով այդպես չդիտե, նա երբեք էլ այդպես չպետք է գիտենա:

Ո՛չ թե միայն մեր թշվառութեան պրոբլեմի անլուծելիութունն է, որ մեզ սարսափեցնում է և հեռու պահում նախկին փորձերը կրկնելու փորձութունից, ոչ թե միայն Հանրապետական կառավարության թափած ջանքերի բավարարութունն է, որ մեր ուշադրության ծանրութեան կենտրոնը տեղափոխում է այլ ուղղութեամբ, ոչ թե միայն մեր կատարածի և կրածի ինքնագիտակցութունն է, որ մեզ առաջնորդում է դեպի նոր հորիզոններ, այլև շատ ավելի զորավոր պատճառներ և պայմաններ մեզ ի վիճակի են կացուցանում, մեզ պարտադրում են մի անգամ ընդմիջտ և գուցե այսօր միայն հայտարարել մեզ կամ քաղաքականորեն մի միավոր կազմելու անընդունակ կամ քաղաքական-պետական կյանքով ապրելու պահանջատեր:

Որովհետև ժողովուրդների պատմության այս հսկայական լինելիութեան մեջ ապրելու միջին ճանապարհները ոչնչանում են բոլորովին և զլիին տեղ է մնում կամ օդի մեջ, կամ հողի մեջ: Ապրելաձևերի այս միջին ճանապարհների ոչնչացման պատմական վայրկյանում, հայ ժողովուրդը ուր էլ որ գտնվելու լինի, և ինչ պայմաններում էլ, դարձյալ կարող է ասել, որ իրեն համար գոյութունն չունի այդ երկրներում և այսօր չէ միայն, ոչ էլ այս պատերազմի ընթացքին, որ նա ապացուցել է օդի մեջ, լույսի մեջ, ազատութեան մեջ ապրելու իր կամքը: Կովկասյան սահմաններում ապաստանած փախստականութունը սոսկ իր ֆիզիկական դոյութեան պահանջմամբ մի անհերքելի ապացույց է եղել այդ համառ կամքի արտահայտության, անգամ եթե մոռանանք մեր հեռավոր և մոտավոր պատմութունը մի ըրպեով: Բայց այս փոքրիկ փաստի մեծ ապացույցը հայ ժողովրդի ապրելու կամքը հիմնավորում է տևականորեն և ամբողջականորեն, որովհետև նա չէր կարող գոյութուն ունենալ մեկ այլ տեսակի միջին ճանապարհի վրա, ուր մասերի կյանքը կարող էր հնարավոր լինել առանց ամբողջութեան կյանքի հնարավորության:

Հայ ժողովուրդը կարող է ապրել միացյալ, ազատ և անկախ Հայաստանի մեջ, կամ երբեք այլևս՝ այն հին և ավերակ միջին ճանապարհների վրա: Ամեն տեղ, ուր հնարավոր է հայ ժողովրդի անունից խոսել, մենք միևնույն բարբառն ենք լսում այս ըրպեիս և ուրիշ կերպ չէր կարող լինել:

Եթե Համագումարը մեր ապրելու այդ միևնույն կամքի մի նոր արտահայտութունը պիտի լինի, այդ էլ այնպես միայն, որ հնարավոր դարձնե Հայրենիք վերագառնալը և վերաշինելը, որովհետև ահա երկիրը կանչում է մեզ և մեր ներգաղթի խնդիրը կարող է մեր քաղաքական իդեալների իրադրոժման առաջին քայլերից մեկը լինել:

Մեր քաղաքական իդեալների օրգանական կենսունակությունն է, որ պարզ ու պայծառ երևան է դալիս ամեն տեղ և մի ժողովրդի ապրելու հնարավորության հետ կապում այս ընդհանուր նրա մեջ գոյություն ունեցող բոլոր հարցերը: Չէ՞ որ այդ այնպես չէր կարող լինել, եթե հաստատված կոնցրետ փոքրած թեկոսները խնամքով չհավաքվեին և կյանքի համար չնախապատրաստվեին, եթե հայկական բանակի բազմաթիվ և հեռավոր մասերը իրար չմոտենան և իրար չձուլվեն, եթե գաղթողների ներգաղթի հետ տեղի չունենար նաև տեղահանվածների տեղավորումը և վերադարձը, եթե բռնի իսլամացածներին հնարավոր չլիներ բռնի հայացնել և եթե մեր կորուստների անսահմանության հանդեպ կարելի չլիներ հատուցման մի անսահմանություն: Ոչ թե հայրենիքի ու վրեժի, այլ նույնիսկ սոցիալական անարդարության հրամայականն է իբրև ոճրագործ դատապարտելու այն քաղաքական գործիչներին, որոնք ժողովուրդների բնաջնջման գաղափարի մեջ բերում են մի ուրիշ ժողովրդի գործակցությունը: Այդ պատճառով է, գուցե, որ շատերն իրավունք կունենան անմարդաբնակ հայտարարելու նույնիսկ մեր Հայրենիքը և միայն մի տեղ ու տիրական ճանաչելու այն տեղի համար:

Մեր ներքին հորիզոնի վրա չէին կարող իհարկե այնպիսի հեռանկարներ գծագրվել, եթե հեռավոր և արտաքին հորիզոնի մեծ լույսերի տակ հնարավոր չլիներ տեսնել մեր հոգու խորքը, մեր կատարածի արժեքը և կատարելիքի անհրաժեշտությունը: Ես ուզում եմ ասել, եթե հայ ժողովրդի անվերապահ և անսահման գոհարերությունները մեծ պատերազմին ընթացքին այսօրվա համար եղած չլիներին, և եթե չհաղթանակեր ամբողջ աշխարհի մեջ մեր անկախ և ինքնուրույն ապրելու կամքի հետ բոլորի անկախ և ինքնուրույն կամքը: Այդ պատճառով է, որ մենք երախտագիտության զգացումները միայն կարող ենք ունենալ ամեն բանի և ամեն մարդու հանդեպ, որ այս կամ այն կերպ նպաստել է արդարության և ճշմարտության հաղթանակին՝ նպաստելու համար մեր հաղթանակին:

Արևմտյան Հայաստանի փախստական հայության երկրորդ Համադուրմարը թող իր աշխատանքները սկսի այս լուսավոր և պայծառ երկնքի տակ և քաղաքական կացության ծանրաչափի բարձրագույն աստիճանի վրա: Թող նա մեծ ձայների մեջ մի փոքր ձայն լինի, մեծ հոսանքների մեջ մի փոքրիկ վտակ՝ բազմապատկելու և մեծացնելու համար միևնույն ձայները և միևնույն տարրերը: Նրա համար այս ընդհանուր անվերադարձ է, ինչպես ամբողջ հայ ժողովրդի համար, նույնպես իր ամբողջ պատմության ընթացքին համար: Թող նա նույնիսկ անհամեստությամբ հնչեցնի իր ապրելու կամքը միաժամանակ այնքան գործությամբ և ուժգնությամբ, որ մեր կամքի ուժանակի առջև լսեն մեր խնդիրները, հակառակորդների չկամությունները և թերությունների անհեթեթությունները:

Այսօր ահա, ավելի քան չորս տարուց հետո, երբ մենք նոր էինք մտել պատերազմի մեջ, այսօր ահա մենք պետք է նորից բորբոքենք մեր հա-

վատքի իարուկը, մեր եղբայրների, մեր դաշնակիցների, մեր բարեկամների և մի քիչ էլ մեր սրտերի մեջ:

ՀԱԱ Պ, ֆ. 243, ց. 2, գ. 8, թ. 2-4: Վ. Տերոյանի ելույթի կոնսպեկտը գտնվում է ՀՀ կառավարությանն առընթեր ազգային անվտանգության ծառայության արխիվում գ. 440, թ. 45-51: Ինքնագիր:

Սույն զեկույցման կոնսպեկտի առնչությամբ կազմվել է ՆԳԺԿ-ի Հետեյալ տեղեկանքը՝

Справка

Конспект речи Дерояна, произнесенной им во время состоявшегося в 1919 г. в г. Эривани съезда турецких армян, на котором он председательствовал, был избран в состав исполнительного комитета, а последним выбран его председателем.

Документ исключительно по содержанию дашнакского характера, где Дероян указывает о страданиях, принесенных жертвах, геройствах и т. д. армянского народа для создания единой объединенной независимой Армении. Этот конспект, написанный рукой Дерояна, изобличает его дашнакскую физиономию, что сам Дероян отрицает.

Уполномоченный Калашян

ՀՀ կառավարությանն առընթեր ազգային անվտանգության ծառայության արխիվ. գ. 440, թ. 44: Մեքենագիր:

- 4 -

ԱՐԵՎՄՏԱՀԱՅ  
ՓԱԽՍՏԱԿԱՆՆԵՐԻ ԳՈՐԾԱԴԻՐ  
ՄԱՐՄԻՆ  
Comite des Refugies  
de l'Armenie  
30 ապրիլի 1919 թ.  
նո. 7  
Երևան

ՋԵԿՈՒՑՈՒՄ  
ԱՐԵՎՄՏԱՀԱՅ ԳՈՐԾԱԴԻՐ ՄԱՐՄԻՆ  
ԳԵՆԵՐԱԼ ԱՆԴՐԱՆԻԿԻ՝ ԵՎ ԿԱՌԱՎԱՐՈՒԹՅԱՆ  
ՀԵՏ ՎԱՐԱԾ ԲԱՆԱԿՑՈՒԹՅՈՒՆՆԵՐԻ ՄԱՍԻՆ

Գործադիր մարմնի ապրիլ 20-ի և 22-ի նիստերի որոշման համաձայն ես սմսուլս 24-ին էջմիածին մեկնեցի բանակցելու գեներալ Անդրանիկի հետ, խորը քաջայ առանձին զորամասեր կազմելու վերաբերմամբ:

Որովհետև այդ խնդիրը կապված էր ներդադրի շտապեցման հետ և դադրականության համար կյանքի և մահու հարց էր, ինչպես նաև Գործադիր մարմնի գոյության իրավունքներ էր շոշափում, այդ պատճառով էլ ես որոշեցի առանձին զորամասեր կազմակերպելու համար վարած իմ բա-

նակցությունների զեկուցումը տալ գրավոր, խուսափելու համար ապագային որևէ թյուրիմացություններից, անորոշության տեղիք չթողնելու համար այդ կենսական հարցի մեջ գեր ունեցող ուժերի վերաբերմունքի մասին: Մյուս կողմից ես չեմ կարող առաջուց չհայտնել, որ կատարելապես գիտակցում եմ, թե ի՞նչ եմ կատարում ես և այդ ծանր սլատասխանատվության գիտակցությամբն է, որ ես հանձն առի Արարատյան Հանրապետություն<sup>2</sup> կառավարության և Գործադիր մարմնի<sup>3</sup> ու գեներալ Անդրանիկի մեջ վարել այդ բանակցությունները, որոնք արևի լույսի պես պայծառ դարձրին ինձ համար թե հայ ժողովրդի և Հայրենիքի ճակատագիրը դարբենելու գործում ոչ մի գեր չունեն իրենք փախստականները և պետք է ենթարկվեն մի անզուսպ խնամակալության: Բայց այդ չէր կարող փախստական ժողովրդի համար վճռական նշանակություն ունենալ, եթե ներքին (մեզ հետ վարած) և արտաքին (ամբողջական Հայ դատի) քաղաքականությունը կանգնած լիներ այն ճանապարհի վրա, որ վտանգավոր, կասկածելի և կորստաբեր չլիներ փախստականության համար մասնավորապես և Հայ ժողովրդի համար ընդհանրապես: Այդ եզրակացությունն պետք է հաներ [հանգեր], ով էլ որ վարելու լիներ այդ բանակցությունները, և եթե ինձ վիճակվեց այդ դժբախտությունը, ապա ուրեմն թույլ տվեք հայտնել որ Հանրապետական կառավարության խտրական, եսասեր և աններող վերաբերմունքը պարզելով այստեղ ես միայն ի նկատի ունեմ առաջարկելու Ձեզ, դեռևս համագործակցության մի հնարավորություն վնասելուց չհուսահատվել և աշխատել մեր ուժերով և մեր պարտականության ու իրավունքի չափով մեզ դուրս հանել Հանրապետական կառավարության բռնած արտաքին քաղաքականության կասկածելի և վտանգավոր ճանապարհից, եթե մենք իրավունք չունեցանք այդպես անել տալու նրան:

Շատ մեծ դժվարություններ են հաջողվեց գեներալ Անդրանիկին դուրս հանել իր արգար վրդովմունքի և գայրույթի տրամադրություններից դեպի Հայ ժողովրդի ահավոր դժբախտության ներքին պատճառները, և այդտեղ ես պարտք եմ համարում հայտնել, որ իմ այդ աշխատանքին մեծապես օգնեց նորին Ս. Օծություն Ամենայն Հայոց Վեհ կաթողիկոսը<sup>4</sup>:

Այն համեստ պահանջները, որ դրեց գեներալ Անդրանիկը ներգաղթի համար առանձին զորամասեր կազմակերպելու վերաբերմամբ կատարելապես ցույց էին տալիս նրա զիջող, զոհաբերող և հայրենասեր բարյացակամությունը դեպի մեր տառապյալ փախստականությունը, Արարատյան Հանրապետությունը և մեր պատմական գատը: Նա համաձայնվեց կատարելապես իմ այն առաջարկին, թե քանի դեռ խաղաղություն չի վերջացել, քանի դեռ չի կազմվել Միացյալ և անկախ Հայաստանի կառավարությունը, քանի դեռ մեր երկիրը չի ազատվել դարավոր բռնագրավողից և ներդաղթը օրվա հրամայականն է: Բաթումի հաշտության<sup>5</sup> հեղինակները իրավունք չպետք է ունենան մինչև վերջին րոպեն Գերմանո-թուրքական բանակի դեմ պայքարողի առջև դնելու ձևական և անհիմն պահանջներ ու հավանություններ, որոնք վերջիվերջո ներքին պառակտումներ միայն կարող են առաջ բերել, ներգաղթը ուղացնելու և գուցե նաև Միացյալ Հայաստանի կառավարությունը ծանր կացության մեջ դնելու: Իր կողմից

էլ զկն[հրայ] Անդրանիկը խոստանում էր նույնպես չհարուցանել նման ձեռնարկներ և ենթարկվել ամբողջովին ներգաղթի դեպքում մեկ ռազմաճակատ ստեղծելու բոլոր պահանջներին և կարգադրություններին:

Պարտք եմ համարում հայտնել, որ մեր այս առաջին բանակցություններից էին գերապատիվ տ. Տիրայր եպիսկոպոսը, պ[արոն] Պուատեպարը<sup>6</sup>, անգլ[իացի] մայոր Գիպպոն և անգլիական ծառայության մեջ գտնվող մի սպա պ[արոն] Պալեոզյանը: Այս վերջին երկուքը ամեն կերպ աշխատեցին արգելքներ հարուցանել և թույլ չտալ, որ գեներալ Անդրանիկը համաձայնվի մեր առաջարկին: Ես ստիպված էի կետ առ կետ պատասխանել նրանց: Գեներալ Անդրանիկի կատարյալ համաձայնությունը իմ տեսակետներին մի ավելորդ ավացույց էր, թե անհարժեշտ է ունենալ ներքին անկախ մի քաղաքականություն, ինչ որ կարելի չեղավ հասկացնել հաջորդ օր պ[արոն] Սատիսյանին<sup>7</sup>:

Ասլիլի 25-ին ես վերադարձա էջմիածնից Հանրապետության կառավարության հետ նույն համաձայնությունը կայացնելու:

Ինչպես հայտնի է Գործադիր մարմնիդ, Հանրապետության կառավարությունը ամեն բանը արել էր ներգաղթը իրենց պետական ներքին գործ դարձնելու համար և սակայն չէր կարողացել չընդունել, թե ներգաղթի կազմակերպությունը Գործադիր մարմնի բացարձակ իրավասություն տակն է գտնվում: Ինչպես նաև գեներալ Բիչի մի արտահայտությունը ինձ մոտ ապրիլ 22-ի երեկոյան, թե ներգաղթը կարող էր սկսվել տասն և հինգ օրից, եթե Անդրանիկը հանձն առներ զինվորական մասերի կազմակերպությունը: Բացի այդ, Գործադիր մարմնին հայտնի է նույնպես, որ ինամատարություն պ[արոն] մինիստրը<sup>8</sup> քանիցս և մի անգամ էլ ելեմտից սյ. Մինիստրը<sup>7</sup> Գործադիր մարմնից խնդրել են ներգաղթի կազմակերպության նախահաշիվը, անհրաժեշտ դումարահատկացումները կատարելու համար: Ես ավելորդ չեմ համարում մի ուրիշ պարագայի վրա էլ հրավիրել Ձեր ուշադրությունը. թե ներգաղթի շուտափուլյթ կազմակերպությունը կարող էր Կովկասյան Հայաստանի դատը օրգանապես միացնել ընդհանուր Հայկական դատի հետ. Հայ ժողովրդի անվիճելի իրավունքների տիրապետության նախ ընտրությունը տալ զանազան վիճելի հողամասերի հանդեպ և վերջապես փրկել սովամահ դաղթականները: Չպետք է մոռանալ նաև այն հանդամանքը, որ Գործադիր մարմնի և Հանրապետական կառավարության հետ ունեցած հարաբերությունների անկանոնությունը կարող էր բոլորովին վերանալ ներգաղթի շուտափուլյթ կազմակերպության համար և Հայ ժողովրդի բոլոր հատվածների մասնակցությունն էլ ապահովելով վերածնվող Հայրենիքի կազմակերպության գործի մեջ հնարավոր դարձնել թե խորհրդարանի և թե վարչության մեջ համադրածակցությունը, ինչպես նաև Հանրապետական կառավարության ձեռնարկած թուրքահայ առանձին գորամասերի կազմակերպությունը պատահական և անհեղինակավոր հիմունքներից ազատել և դնել իր իսկական տիրոջ ձեռքը: Այս բոլոր հիմունքներից բացի, ապրիլ 26-ին, վարչապետ պ[արոն] Սատիսյանին երեք անգամ խոսակցելով ես շեշտեցի նաև այն անհրաժեշտությունը, թե պետք է ունենալ անկախ պետության վայել մի

ներքին անկախ քաղաքականություն և թույլ չաալ, որ այդ հարցում ամենաբարյացակամ մեր «դաշնակիցն» էլ իր միջամտությունը ունենա, թե մեր առաջարկած ձևով թուրքահայ առանձին գործասեր կազմակերպելը միայն կարող է ուժեղացնել Հանրապետական կառավարության միջազգային դիրքը և ներքին հիմքերը, թե գեն(երալ) Անդրանիկին հեռանալու հնարավորություն, եթե չասենք դրդապատճառներ տվողները, միայն թուլացնել են ձգտում Հանրապետության կառավարության բարոյական և իրավական ուժը, բաժանում են ավելի հեշտ տիրելու համար, թե ներկա կառավարությունը մի հաստատուն և մեծ քայլ արած կլինի ընդառաջ գալով իմ առաջարկության դեպի Միացյալ և անկախ Հայաստանի պետական կազմակերպությունը և այլն, և այլն:

Ես խնդրեցի պ[արոն] Խատիսյանից, որ թույլ տա նույն օրվա Մինիստրական խորհրդում հիմնավորել իմ առաջարկը, քաջ գիտենալով, որ նման դեպքեր տեղի են ունեցել ուրիշ անդամներ էլ նույնիսկ երկու օր առաջ, երբ Մինիստրական խորհրդին ներկա է եղել անգլիական ծառայության մեջ գտնվող հայ սպա ոմն, բայց նա ձևական առաջարկությամբ մերժեց այդ և ինձ հրավիրեց Մինիստրական խորհրդին այնպիսի ձևով, որ ես չէի կարող ընդունել: Նույն օր երեկոյան ժամը 5-ին պ[արոն] Խատիսյանը ինձ տվեց Մինիստրական խորհրդի միաձայն պատասխանը: Եվ որովհետև գեն(երալ) Անդրանիկի հետ գործակցելու իմ առաջարկին ես տվել էի մի այնպիսի նշանակություն, որ նրա հետ գործակցելը Գործադիր մարմնի հետ գործակցել կլինեք և նրան մերժելը՝ Գործադիր մարմնին մերժել, ուստի ես բերում եմ նրա պատասխանը բառացի «Հանրապետության կառավարության Մինիստրական խորհուրդը միաձայնությամբ դռնում է, որ դեներալ Անդրանիկի հետ համագործակցություն ոչ մի դեպքում հնարավոր չի կարող լինել, եթե դեներալ Անդրանիկը Երևան չգա և չհայտնի իր կատարյալ հպատակությունը ներկա կառավարության»: Մի քանի անգամ և մի քանի ձևերով կրկնված այս պատասխանից հետո ես մերժեցի դրանից առաջ դալիք կացություն քննությունը, որ պահանջում էր պ[արոն] վարչապետը և անմիջապես մեկնեցի էջմիածին: Նույն օր երեկոյան և հաջորդ օր առավոտյան շատ երկար լուրջ և մանրակրկիտ քննության ենթարկեցինք ներդադրի և մեր քաղաքական դատի ներկա կացությունը գեն(երալ) Անդրանիկի և իր սպայակույտի հետ: Հաջորդին մոտենալու և քննելու այն լրջությունը և խոհականությունը, որ երևան բերեց գեն(երալ) Անդրանիկը, կատարելապես ապացուցանում էին, որ նա ինչքան էլ հոգնած, այնուամենայնիվ պատրաստ է նորից նվիրվել մեր ժողովրդի կենսական հարցերի լուծման, որ նրա մեջ ոչ թե խռովականությունն էր խոսում, այլ ճշմարիտ և անկեղծ ժողովրդասիրությունը, որ նա չհարգելով կառավարության հավակնությունները ոչ թե անձնական տեսակետներ էր առաջ բերում, այլ մեր դառավոր դատի պաշտպանության առաջնությունն էր տալիս, պաշտպանած լինելու նաև վիճելին, ինչպես նաև մի հայտարարի բերած չլինելու համար, մինչև վերջին րոպեն հավատարիմ մնացող դաշնակիցը այդ առավելությունը չունեցողների հետ: Սառնությամբ քննվեց նաև այն պարագան, թե ինչքան նպատակահարմար կլինեք մեր

դատի ընդհանուր պաշտպանութեան համար, եթե պետք լիներ, որ գեն[ե-  
րալ] Անգրանիկը Երևան գար և հպատակվեր կառավարութեան:

Բայց Հանր[ապետութեան] կառավարութեան բացարձակ անբարյացա-  
կամութիւնը պատմական այնպիսի մի վայրկյանում, երբ պահանջում էր  
մեր բոլոր տեսակի և որակի ուժերի զինվորագրումը և քաջալերումը ապա-  
ցուցանում էին միայն, որ կառավարութիւնը դերադասում է վարել իր ա-  
ռանձնահատուկ քաղաքականութիւնը, իր խնամակալութիւնը, Միացյալ  
Հայաստանի կառավարութիւնը դառնալու իր գաղտնի ձգտումները, մի  
Հայրենիք ստեղծելու իրավունքի բռնագրավումը և աններողամտութիւ-  
նը, քան թե նրա բարոյական և պատմական իրավատեր հատվածի գործակ-  
ցութիւնը և աշխատակցութիւնը: Մի քանի փաստեր էլ ապացուցանում  
էին վերեւ հիշածս ներքին ինքնուրույն քաղաքականութեան անհրաժեշ-  
տութիւնը: Որովհետև անկարելի եղավ այս կառավարութեան հասկացնել,  
յ՛լս դեն[իբրալ] Անգրանիկին հեռացնելու և կղզիացնելու երկար ժամանակ-  
յա փորձերը միայն հայկական որևէ իշխանութեան, ներկա դեպքում Հան-  
րապետական կառավարութեան, ուժերի ջլատման և թուլացման կարող էր  
նպաստել:

Այդ պատճառով էլ ոչ մի առարկութիւն կարելի չէր մեջտեղ բերել և  
հիմնավորել գեն[երալ] Անգրանիկին այն որոշման դեմ, թե նա պետք է  
հետանա այս երկրից:

Ներկայացնելով իմ վարած բանակցութիւնների այս ընդհանուր գե-  
կուցումը, ես ուզում էի միայն Գործադիր մարմնի համար պարզ դարձնել,  
թե ներկա պատասխանատու և ծանր պատմական վայրկյանում ինչպե՞ս  
էր, որ հնարավոր չեղավ գեներալ Անգրանիկի և ներկա կառավարութեան  
հետ համագործակցութիւնը, Միացյալ Հայաստանի դադափարի և գործի  
պաշտպանութիւնը և հատվածական և ընդհանրական տեսակետների  
պաշտպանութիւնը, որովհետև ընդհանուր հայկական տեսակետներով ա-  
ռանձնորդվողները իրենց հատվածական տեսակետին են միայն գերակշ-  
ռութիւն տալիս ու ուզում են հիմքերը դնել մի Հայրենիքի, որ պատահա-  
կանորեն մի խումբ փոքրամասնութեան ձեռքով պիտի փաթաթվի անհրա-  
ժեշտարար բոլորի վզին: Եվ եթե պետք լինի, որ ես մի եզրակացութիւն էլ  
լրբեմ, այդ էլ այն կլինի, որ թախանձագին խնդրեմ Գործադիր մարմնից,  
դեռևս չհուսահատվել, մի վերջին փորձն էլ կատարել մեր ընդհանուր  
Հայրենիքի սիրույն Համագործակցութեան, թույլ չտալու համար ներքին  
պայքարի պատեհութիւնից օգտվեն ժողովրդից հեռու դտնվողները և մի  
նոր տեսակի չարիք գառնան: Բացի այդ, մի վերջին փորձ էլ կատարել  
ներգաղթի կազմակերպութեան համար դեռևս տրամադրելի ուժերը հավա-  
քելու և կենտրոնացնելու, որից հետո միայն ներգաղթ ուղացնողներին  
մենք իրավունք կունենանք ներգաղթը խանգարողներ էլ համարել: Որով-  
հետև իմ կարծիքով, այս կառավարութեան մեջ մեր չգտած հայրենասի-  
րութեան հանդեպ մենք պետք է դուրս բերենք մի ավելի մեծ հայրենասի-  
րութիւն:

Վարազդատ Տերոյան

(ներկայացված է Արևմտահայ Գործադիր մարմնին 1919 – ապրիլ 28-ի նիստի մեջ)

ՀԱԱ Պ. Ֆ. 243, ց. 1, գ. 14, թ. 1-4: Ձեռագիր:



## Ծանոթագրություններ

- 2 -

1. Ստեփան Մամիկոնյան (1859–1923), իրավաբան, հրապարակախոս, խմբագիր, հասարակական և մշակութային գործիչ: Կարմիր խաչի Մոսկվայի հայկական կոմիտեի նախագահ, Թիֆլիսի Հայոց ազգային խորհրդի և Հայաստանի խորհրդի (խորհրդարան) անդամ:
2. Գրիգոր Չալխուչյան (1861–1931), հայ հասարակական գործիչ, իրավաբան: 1919–1920 թթ. եղել է ՀՀ Գլխավոր Հյուպատոսը Դոնի Ռոստովում: 1920 թ. Հայ անկուսակցականների միության նախագահ:
3. Ալեքսանդր Ասրիբեկյան, սոցիալ-դեմոկրատական (մենչևիկյան) կուսակցության անդամ: Հայ անկուսակցականների միության փոխնախագահ:
4. Վարդան Վարդանով (1853–1919), հայ կենսաբան, պրոֆեսոր:
5. Հովհաննես Թադևոսյան (1889–1974), հայ նկարիչ, պրոֆեսոր:
6. Այդ պատգամավորը Միքայել Պապաջանյանն էր: Տե՛ս Հայաստանի Ազգային արխիվ, ֆ. 1191, ց. 2, գ. 1951, թ. 9:
7. Կոմիտեի լրիվ անվանումն է՝ Комитет Ее Императорского Высочества Великой княжны Татьяны Николаевны.
8. Տիգրան Ռասմաջյան [Ռաշմաճյան] (1862–1946), հայ մանկավարժ: Որպես ուսուցիչ և տեսուչ աշխատել է Ալեքսանդրապոլում, Երևանում և Թիֆլիսում:
9. Գևորգ Ե Սուրենյանց (Տիգրիսեցի), (1847–1930), Ամենայն Հայոց կաթողիկոս 1911–1930 թթ.:
10. Հայկ-Տեր Միքայելյան, հայ հասարակական-քաղաքական գործիչ, Հայ ժողովրդական կուսակցության անդամ: Եղել է Բաքվի «Հայոց Մարդասիրական ընկերություն հանուն Ս. Գրիգոր Լուսավորչի» մշակութային, կրթական և բարեգործական ընկերության նախագահ:
11. Համբարձում Առաքելյան (1855–1918), հայ հրապարակախոս, հասարակական-քաղաքական գործիչ, Հայ ժողովրդական կուսակցության հիմնադիրներից: 1913–1918 թթ. հրապարակել է «Արոր» ամսագիրը և «Մշակ» թերթը:
12. Սամսոն Հարությունյան (1875–1941), հայ հասարակական-քաղաքական գործիչ: Հայ ժողովրդական կուսակցության ղեկավարներից: Կովկասի Հայոց բարեգործական ընկերության նախագահ: Թիֆլիսի Հայոց ազգային խորհրդի անդամ, 1918–1919 թթ.՝ ՀՀ արդարադատության նախարար:
13. Ավետիք Ասհակյան (1864–), հասարակական-քաղաքական գործիչ, ՀՀ Դ անդամ: ՀՀ խորհրդի նախագահ 1918–1919 թթ., խորհրդարանի փոխնախագահ (1919), հանրային խնամատարության նախարար (1919):
14. Փանոս Թերլեմեզյան (1865–1945) նկարիչ, ազգային-ազատագրական շարժման գործիչ: 1915 թ. ապրիլ-մայիս ամիսներին Վան քաղաքի Այգեստան թաղամասի Զինվորական մարմնի անդամ:

- 3 -

1. Արևմտահայերի 1-ին համազումարը տեղի է ունեցել Երևանում 1917 թ. մայիսի 2–11-ին: Քննարկվել են գաղթականությանն օգնելու, հայրենադարձության, որբերի, հայության արևմտահայ և արևելահայ հատվածների համագործակցության հարցեր:

– 4 –

1. Անդրանիկ Օզանյան (1865–1927), ազգային-ազատագրական շարժման նշանավոր գործիչ, ազգային հերոս: 1917 թ. փետրվարից ղեկավարել է արևմտահայ փախստականների օգնության և տեղավորման աշխատանքները: Երևանում նախաձեռնել է Արևմտահայերի առաջին համագումարը (1917 թ. մայիս): 1918 թ. հունվարին նշանակվել է Հայկական բանակային կորպուսի գլխավորի հրամանատար: Նույն ամսին նրան շնորհվել է ռուսական բանակի գեներալ-մայորի կոչում: 1918 թ. հունիսին գլխավորել է Հայկական առանձին Հայրիվաճող ջոկատը: Մասնակցել է Ջանգեղուրի ազատագրմանը: 1919 թ. ապրիլին ցրել է իր ջոկատը և հեռացել արտասահման:
2. Ի նկատի ունի Հայաստանի Հանրապետությունը:
3. Արևմտահայ գործադիր մարմին:
4. Ի նկատի ունի Ամենայն Հայոց կաթողիկոս Գևորգ Ե Սուրենյանցին:
5. Կնքվել է 1918 թ. հունիսի 4-ին Բաթումում, Օսմանյան Թուրքիայի և ՀՀ կառավարության միջև: Պայմանագրով սահմանափակվել են Հայաստանի տարածքը, գիներուրը և այլն:
6. Պուլատերար, Փրանսիական զինվորական առաքելության անդամ, կապիտան:
7. Հովհաննես Խատիսյան (1874–1945), քաղաքական գործիչ, ՀՀ Դ անդամ: 1910–1917 թթ. Թիֆլիսի քաղաքագլուխ: 1918 թ. Անդրկովկասի Դեմոկրատական Ֆեդերատիվ Հանրապետության Ֆինանսների և պարենի, ապա խնամատարության նախարար: ՀՀ արտաքին գործերի նախարար, 1919 թ. օգոստոսից մինչև 1920 թ. մայիսը՝ ՀՀ վարչապետ:
8. 1919 թ. փետրվարից մինչև հունիս խնամատարության մինիստրը Սահակ Թորոսյանն էր:
9. Ելմտից կամ Ֆինանսների մինիստրի պաշտոնակատարը Գրիգոր Զաղեթյանն էր: